

ISPO Certifikat

Kategorija II

Saradnik protetičar / ortotičar





Pismo dobrodošlice

Zadovoljstvo mi je što imam čast u ime organizacije Human Study e.V. iz Njemačke najaviti upis još jedne generacije studenata na program za kvalifikaciju na nivou Saradnik protetičar/ortotičar (bivši ISPO Cat II).

Ukoliko ste pratili rad International society for prosthetics and orthotics (ISPO) sigurno ste već upoznati sa novim standardima za obrazovanje u oblasti protetike i ortotike, koje je ISPO objavio 2018. godine. Po novim standardima, ISPO kategorija 2 (Cat.II) je preimenovana u Associate prosthetist/orthotist, što je ovdje prevedeno kao Saradnik protetičar/ortotičar. Kao takvog naći ćete ga u svim našim tekstovima.

Edukacija nove generacije studenata na ovom nivou u regiji Jugoistočne Evrope početi će u martu 2020. godine. To je već 5. generacija kolega protetičara i ortotičara u regiji Jugoistočne Evrope kojima će Human Study e.V. omogućiti da kroz ovaj sveobuhvatni program ne samo nauče puno toga, nego i da steknu međunarodno priznat certifikat za obrazovanje na nivou Saradnik protetičar/ortotičar. Nastavnim programom obuhvaćene su sve oblasti struke (kompletan stručni profil). Također, ovaj certifikat je obavezan preduslov za upis na više stepene obrazovanja u struci, što je sigurno bitno za sve vas koji svoje profesionalno napredovanje želite nastaviti na univerzitetskom nivou.

Dobrobit iz obrazovanja osoblja kroz ovaj edukativni program za svaku kompaniju koja se bavi pružanjem usluga u orto-protetičkom sektoru ogleda se u činjenici da polaznici ovog programa za cijelo trajanje obrazovanja ostaju raditi na svojim radnim mjestima, primjenjujući naučeno znanje direktno na rad sa pacijentima. Kvalitet i dijapazon usluga koje vaša kompanija nudi pacijentima povećavaju se, stoga, već u toku trajanja programa. Zahvaljujući prednostima blended learning modela učenja koji se primjenjuje u ovom programu, nije potrebno provoditi mjesec ili čak godine u skupim školama, daleko od radnog mjesta i porodice da bi se došlo do željenog znanja ili kvalifikacije. Sav teorijski sadržaj dostupan je preko interneta, dok se praktične radionice odvijaju lokalno i potreba odsustvovanja s posla je smanjena na minimum.

Ova brošura sadrži kratak pregled svih karakteristika programa. Više detalja možete dobiti od Human Study osoblja, putem kontakt informacija na kraju brošure.



*Vidimo se u martu!
Srdačno,
Christian Schlierf
Managing Director*

ISPO Certifikat Kategorija II

Saradnik protetičar / ortotičar

Human Study obrazovni program za stručnu kvalifikaciju na nivou Saradnik protetičar/ ortotičar (ISPO Kategorija 2) je obrazovanje iz protetike i ortotike akreditovano od strane Međunarodnog udruženja za protetiku i ortotiku (International society for prosthetics and orthotics – ISPO). Program obuhvata sve tematske cjeline protetike i ortotike i time pokriva cjelokupni profesionalni profil.

Ovaj obrazovni program je dostupan u blended learning formatu, što znači da je učešće u programu omogućeno putem kombinacije učenja na daljinu (putem interneta) i praktičnih radionica koje se održavaju na nekoj od centralizovanih lokacija pristupačnih studentima.

U 4 generacije studenata koje su prošle kroz ovaj program na području Jugoistočne Evrope, uspješno je diplomiralo njih 80 iz Hrvatske, Srbije, Makedonije, Slovenije i Bosne i Hercegovine i time steklo zvanje Suradnik protetičar/ortotičar . U okviru ovih programa ostvarili smo saradnju sa 32 kompanije iz regije.

Ako se prijavite za naš program i Vi imate šansu da steknete:

- ISPO CERTIFIKAT NA NIVOU SARADNIK PROTETIČAR/ORTOTIČAR (KATEGORIJA II)
- NAJNOVIJA SAZNANJA IZ P&O PRAKSE I TEHNOLOGIJE
- ZNANJE I VJEŠTINE IZ SVIH OBLASTI PROTETIKE I ORTOTIKE (CJELOKUPAN STRUČNI PROFIL)
- POSTANETE RAVNOPRAVAN ČLAN MULTIDISCIPLINARNOG TIMA STRUČNJAKA

PREDNOSTI NAŠEG PROGRAMA

Human Study e.V. nudi jedinstveno sveobuhvatno obrazovanje iz protetike i ortotike kroz nastavni program koji je prilagođen osobama zaposlenim u protetičkim i ortotičkim radionicama i klinikama. Naš nastavni program omogućava učesnicima da stečena znanja i vještine odmah primjene u svakodnevnom radu sa pacijentima.

Studenti mogu učiti u bilo koje vrijeme, kad i gdje im odgovara!

Edukativni program pruža odličnu mogućnost kombinovanja sa svakodnevnom poslom!

Studenti ostaju u radnom odnosu i nastavljaju ostvarivati redovan prihod!

Studenti ostvaruju bolji učinak na radnom mjestu primjenjujući stečena znanja i vještine!

USLOVI ZA UPIS NA PROGRAM

- ◆ Diploma srednje škole ili ekvivalent
- ◆ Minimalno tri godine iskustva na poslovima izrade ortopedskih pomagala
- ◆ Zaposlenje u P&O radionici ili klinici (na poslovima izrade ortopedskih pomagala)

PROGRAM

Ovaj obrazovni program traje dvije i po godine i završava se sveobuhvatnim praktičnim i teorijskim ispitima, u skladu sa ISPO procedurama za kvalifikaciju na nivou Saradnik protetičar/ortotičar.

Dvoipogodišnji nastavni plan i program obuhvata širok spektar tema iz svih oblasti ortotike i protetike, a raspoređen je u pet semestara, od kojih je svaki fokusiran na jednu oblast.

◆ SEMESTAR 1: PROTETIKA DONJIH EKSTREMITETA

◆ SEMESTAR 2: ORTOTIKA DONJIH EKSTREMITETA

◆ SEMESTAR 3: ORTOTIKA GORNJIH EKSTREMITETA

◆ SEMESTAR 4: PROTETIKA GORNJIH EKSTREMITETA

◆ SEMESTAR 5: ORTOTIKA TRUPA

Školarina i uslovi plaćanja

Cijena školarine u ovom edukativnom programu je 2.000,- eura po semestru* + 500,- eura za završni ISPO ispit (kvalifikacioni ispit za ISPO nivo Saradnik protetičar/ortotičar - Cat II).

Plaćanje školarine vrši se na godišnjem nivou (unaprijed za dva semestra).

**Napomena: Studenti (ili firma koja ih sponzorise) su dužni uz školarinu obezbijediti pacijente sa kojima će raditi za potrebe praktične obuke, kao i materijale i komponente koje su potrebne za praktični rad (u toku semestra i za sve ispite). Za više informacija, kontaktirajte nas.*

POČETAK PROGRAMA

PROGRAM ZA KVALIFIKACIJU NA NIVOU SARADNIK
PROTETIČAR-ORTOTIČAR (ISPO KATEGORIJA 2) ZA PODRUČJE
JUGOISTOČNE EVROPE ĆE POČETI 2. MARTA 2020 GODINE.



PRIJAVA ZA PROGRAM

Za učešće u programu se možete prijaviti popunjavanjem obrasca za prijavu na našoj web stranici:

<http://human-study.org/programs/category-ii-program-for-southeast-europe/>

PRIJAVI SE OVDJE

ROK ZA SLANJE PRIJAVA JE 3. FEBRUAR 2020 GODINE.

Kontakt

Human Study e.V.

Predstavništvo u BiH

Email: nela.mujacic@human-study.org

Telefon: +387 62 780 487

